

Schnitzelbank 2016 Clowns

Nach em Brand – bi de Asylante - het d Gmeind Ersatz - müesse suche
Es hätt derzu viel brucht – bis sie öppis anders - hend chönne bueche
D Hälfti i de Sticklette – de Markus cha ufschnufe
Für de Rest – liebi Chiläverwaltig – hett mer d Pfarrwohng – chönne bruche

S Restaurant Hirsche – werdi uf Endi 2015 – gschlosse
Tanja und de Miggel – redets ume – als wärs scho bschlosse
De Wirt Roger aber meint – au im neue Jahr – tuen i Gäst - bediene
Wie um Himmels Willä – söll bi dem Durenand - die Beiz no – rentiere

D Planer vo de Umfahrig Uznä – chömet uf neu Ideä – mit de Jahre
Die neu Variante söll – zmitzt dur Stall und Huus – vom Züger fahre
Au Gwerbler vo Fischhuse – tüend sich – wacker wehrä
Doch kei Angst – au die nächste 20 Jahr – tuet die Stross niemert – realisiere

I dem Jahr – hämmer d Susan und de Bruno - wellä schohne
Doch mit ihrem Verhalte – tüend sie Passante und Gäst – vor de Chopf stosse
A dr Fasnacht - zmitzt im Winter – isch Bar natürlich – offe
Bi der Tür stoht aber – Beiz sig bis am 7. Augschte – gschlosse

Wegem Ortsbild – tuet der Gmeindrat – ä Planigszone gestaltä
Bim Huus Assey – de Nussli hätts gmerkt – tuet sich dr Franz - nüd dra halte
Dr Lochbewohner hät wohl dänkt – wens im Sunneberg – nüd will haue
Tun ich halt - ächli im Dorf – umbau

D SVP uns Mariannli - säget scho - sit langer Ziit
Was Stimmvolk entscheidet – isch verbindlich – da gits nüüt
Bim Pendlerabzug - söll das aber plötzlich – nümme gelte
Das üseri Politiker so sind – isch leider gar nüd – selte

Bim Neuhof - i dr Fasnachtzit – gsesch viel Auto parkiert
Dä Umsatz - bi Adam und Eva – isch sicher garantiert
Alt und Jung und all Verein – chömet wegem - grosse Chabis
Debi hettet die Manne - das alles dihei – und sogar no – gratis

D SP hätt de Ruedi - scho vor Jahre – für de Gmeindrat - nominiert
De graui Panter – isch jetzt mit der SVP – liiert
Er würds sicher au – mit de Grüne - probiere
Wenn er mit dem – sini Direktzahlige - chönnt optimiere

Dä Beda – tuet sit 18 Johr – de Männerchor – dirigiere
Dank ihm – tüend mir üs – immer besser – präsentiere
I de Beiz, uf der Reis und überall – het er üs zum singe - aghalte
Beda - es isch schön gsi mit dir – mir säget vielmal - danke